

Aita Luis Villasante-ri,
37-ko egun lazgarriaren
eta 56-eko egun goxoen
orroitgarri.

KARRASKAN TA ZIRURIKAN...

IRATZEDER

*Karraskan ta zirurikan
iragan zirelarik Gernikan
aleman airezkoak,
zer zion bere ziloskan
orduak zinen mutikoak?*

*Karraskan ta zirurikan
joan dire joan airezkoak;
eta, zinauden dolu ta nigar askan,
deitu zaitu, bildu zaitu Jainkoak.*

*Ereman zaitu Arantzazuko gaineraino,
airezkoek ezeztatu nahi euskalgoari
piztu zinezon, dena bihotz, dena gogo,
lurreko etsaigoak oro baino
indar ta iraupen gehiago
emaiten duen hori.*

* * *

*Lan gehiegiak hustua,
Arantzazu alderat joan bainintzen,
han aditu nuen Pasionea-ren
hunkigarriko kantua!*

IRATZEDER

*Eta gero,
ahantziz akidurak oro,
bidez bide kantuz ari
joan nintzen zu gidari,
Bizkai-ko fraidetxetan barna.
Ai! zoin zabal, zoin bero
hango otoitz-gizonen anaitasuna...*

* * *

*Bai Beloke-n bai Arantzazu-n
otoitz eta lan
gogotik egitean,
gero-ta gehiago bilakaraz dezagun,
mundu-zabaleko guzien altxagarri,
Euskal Herria euskal herri.*

92-III-8